



*Rabu, 23 September 2020*

**Ogen: Job 29:24**



**Ku Ciremi Kam**



Senyum melepaskan banyak persoalan”Cirem rehna i bas pusuh nari si dem keriahen ukur. Janah adi cirem kita ertina lit pengarapen jadi me dame i tengah-tengahta. Cirem si tahu-tuhu erbanca kalak singenen ciremta e pe ikut cirem ka (menular,positif). Amin pe banci saja la sitandan pe. Adina enggo ibenaken alu cirem pasti mabaisa suasana reh sikapna, banci terjalin komunikasi simehuli.

Perkatan Jop i bas pendungi kerna perkarana, nina “adi ndele ate kalak, kuciremi ia, janah ngidah ayongku siang, ergiah-giah minter ukurna.” Enggo tangkas maka ngidah ayo si siang mahanca kalak sinatapsa pe ersemangatna. Bage me cara Jop tetap ngatakan bujur man Tuhan, amin gia tahu mberat perbebenna si mahanca kerina anak-anak na mate dingen ndeharanape ngajuk ia guna nadingken Tuhan. Tapi i bas ia tetap erkemalangen man Tuhan, idatkenna tampukna eme tetap ukur, tetap kiniteken setia kempak Tuhan. Adi la ia ertetap ate i bas pengarapen kempak Tuhan mungkin Jop enggo jadi kalak si lanai sehat/ adon ban beratna perbeben nderpa kegeluhenna.

Moria selaku diberu, kita mejile kerina. Cirem min kita gundari. Ijadiken Tuhan kita jadi profil si banci maba keriahen ras kemalemen ate arah pengerananta, ras perbahanenta Adi cirem saja pe kita enggo maba kemalemen ate nandangi mamre ras anak-anakta i tengah-tengah jabu. Adi moria cirem banci enda jadi gambaren maka kerina mehuli (baik-baik saja) jadi tentu mabai ketenengen man anggota jabu. Tentu enda me man buatan, moria singasup maba iketenengen bas tengah-tengah jabu. Mari moria, sipindo gegeh man Tuhan gelah kita ipengasupNa.

+hi 3